

MPSM Labuan Tuan Rumah Bengkel Kerja Profesional MPSM Peringkat Kebangsaan



Barisan Exco Tertinggi Majlis Pengetua Sekolah Malaysia Kebangsaan

Labuan, 19 Julai – Wilayah Persekutuan Labuan telah dipilih menjadi lokasi Bengkel Profesional Pengetua, Majlis Pengetua Sekolah Malaysia (MPSM) Kebangsaan Bil.1/2019 dari 16 hingga 18 Julai 2019.

Bengkel yang menghimpunkan 25 exco tertinggi MPSM dari seluruh negara ini telah diadakan di salah sebuah hotel di pusat bandar.

Antara matlamat bengkel ialah menyediakan kertas-kertas cadangan bagi meningkatkan dan memartabatkan profesion keguruan secara komprehensif.

Kertas-kertas cadangan ini akan dimajukan kepada Kementerian Pendidikan Malaysia untuk perbincangan dan tindakan selanjutnya.

Yang DiPertua MPSM Kebangsaan, Dato' Hj Sabuddin bin Hj Sani berkata Kementerian Pendidikan sentiasa terbuka

untuk menerima cadangan daripada mana-mana pertubuhan dalam memartabatkan agenda pendidikan negara. Peluang ini perlu digunakan sebaik-baiknya demi kemenjadian anak-anak murid seluruh negara.

Selain itu, delegasi ini juga dibawa melawat tempat-tempat menarik di Labuan sebagai sebahagian daripada aktiviti mempromosikan Labuan sebagai destinasi pelancongan terbaik. Kompleks Sukan Laut Labuan menjadi lokasi pertama lawatan. Lokasi lain yang dilawat ialah Kompleks Ujana Kewangan dan Pasar Sentral UTC.

Di akhir sesi lawatan para delegasi di bawa melawat Pantai Layang-Layangan yang juga merupakan pantai untuk menikmati pemandangan indah matahari terbenam. Bagi ahli delegasi yang pertama kali datang ke Labuan, mereka melahirkan rasa kagum atas kecantikan dan kebersihan pulau bebas cukai ini.

Para delegasi turut diraikan dalam satu majlis makan makan di salah sebuah restoran di pusat bandar.



Encik Raisin Saidin menyampaikan cenderahati dari JPWPL kepada YDP MPSM Kebangsaan, Dato' Hj Sabuddin Pengarah Jabatan Pendidikan Wilayah Persekutuan Labuan,

Encik Raisin bin Saidin hadir meraikan delegasi MPSM kebangsaan.

Dalam ucapannya, Encik Raisin Saidin melahirkan rasa bertuah dan berterima kasih kerana MPSM Kebangsaan telah memilih Labuan menjadi lokasi bengkel profesional kali ini, seterusnya dapat menjana ekonomi di Labuan.

“Kedatangan MPSM kebangsaan ini juga, sudah tentu membantu merancakkan sektor pelancongan Labuan seterusnya menjana ekonomi Labuan”. Encik Raisin Saidin

Beliau turut berharap agar kerjasama antara MPSM Kebangsaan dan MPSM Labuan memberi manfaat terutamanya dalam meningkatkan kualiti sekolah.

Berita Oleh : Cikgu Mohd Nizam Yasim, Pengetua SMK Mutiara



Encik Raisin Saidin meraikan delegasi MPSM Kebangsaan dalam majlis makan malam